

*Exploratio pulsus plus confert ad rem  
Medicam quam inspectio  
Urinarum.*

Ceu maris incerto fluxu dubioq; refluxu,  
Majoris mundi vita salusq; patent,  
Haud secus à varia quoq; sanguinis indole nosci  
Contracti mundi vita salusq; solent.  
Oceanus fluviis ambit volventibus orbem,  
Et fluit in venas guttula longa meas :  
Attollit fluctus Decumanos dira procella,  
Pectoris internos concitat ira focos,  
Spiritus inclusus terrarum succutit artus,  
Nunc æstas febris torret, & alget hyems :  
Turbine dispulso tellus pontusque serenant,  
Arcanâ pulsus blandior arte micat.  
Quid valeant matulæ, Medicum ludibria? Portam  
Claudere vitalem, pandere vena potest.  
Offendunt olidi nasumq; oculosq; canales,  
Stagnante & fætet mundus uterq; lacu.  
Lymphidus *Alpheus* penetrans *Empirice* fœdum  
*Augææ* stabulum, non grave tinctus olet?  
Nil urina potest imam delapsa per alvum,  
Solut morbi index vivida bulla datur,  
Instantem morbum prædicit aquaticus humor,  
Et vitæ & mortis pignora sanguis habet.  
Impetus iratus nervi intestina moveri  
Bella probat, pacem mitior ictus agit,  
Agmina spirituum nôrunt bene tympana pulsus,  
Alternoque choros ordine corpus obit.  
Sanguineo rapitur vitalis turba vehic'lo,  
Et morbos furdo verberare cauta monet :  
Non aliter victor spoliis exultat opimis,  
Quando triumphalis compita, rheda quatit :  
Hinc mihi non vitrum, sed amicam porrige dextram,  
Seu solvis pretium, seu petis æger opem ;  
Progenies matulæ, surgit nimbofus *Orion*,  
Tergeminique miser fata parentis habet.  
*Phæbe*, *Jovem* frustra cernis dum mingit anhelum  
Consultis manibus Palma benigna datur.  
*Stoice*, nunc dicam tibi cum pituita molesta est  
Sanguinis *Euripo* cum tibi fibra calet ;  
Cum nimius *Bacchus* summâ dominatur in arce,  
Et latet in medio pectore, quanta *Venus* ?  
Sic ego naturæ dominæ magnalia quæro,  
Sidera ut influxum dent Medicæa mihi,  
Dum ludet genius motu saliente jocosus,  
Et servat certos corq; manusq; modos :  
Vitalis lampas sopitos suscitât ignes,  
Et fovet infusâ *Pallade Vestæ* faces,  
Præteritos revocare dies valet arte *Machaon*,  
Et spondet senium dulce, futura salus,  
Nec non elapsos hic dextrâ computet annos,  
Quam toties medicâ palpat *Apollo* manu :  
Nec grave formidat trepidans arteria vulnus,  
Sympathicus sanguis vulnus opemq; feret,  
Posthuma gens nunquam cesset laudare *Minervam*  
Patrum, dum vitæ mors medicina venit.

ERGO,

Scrutantem, matulas ventosa Cucurbita sanet,  
Invasit cerebrum fætidus iste vapor,  
Surda tamen renuens sentire tonitrua pulsus  
Imbre *Xantippes* jure rigandus erit,  
Sin modo pro venis juvat indulgere cloacis  
Se probet effingi non meliore luto.

*Tussis cum excretionem materiae pituitosæ  
aut corruptæ, non semper est sympto-  
ma vitiatorum Pulmonum.*

NOxius in stomachum semper delabitur humor?  
Pulmones sanos humida tussis agit.  
Concutit internos genios vapor *Indicus* herbæ,  
Si fumi nubes advena pectus init,  
Hei mihi venturi mens est præfaga, vapore  
Dic ubi non mors est, si necet herba suo :  
Non ego folliculos credam doluisse, Poëtæ,  
Compungente acino gutturis ima sui.  
Murmurat in jugulo crispata arteria rauco,  
Aëre & immistas ejaculatur aquas ;  
An potuit *Stentor* tussire, reponat *Homerus*,  
Vox sua pulmones convaluisse probat,  
Olim sternutans explosit in aëra vitam,  
Pestis in *Ausonio* quando furebat agro,  
Humectans aër cerebri *Capitolia* scandens,  
Est insons exul, si modò detur, Ave.  
Pulmonum fractas Tussis vix evomit offis,  
Marcida ni tabes debile corpus edit,  
Non vacuas impunè datur tussire per auras,  
Hostis & expulsus non fugitivus abit :  
Non concussa tremunt minimo præcordia damno,  
Invia si juguli frustula quæq; movent:  
Provida sic nostrum natura intexuit orbem,  
Tussis ut infestos purget amica locos.  
Nunc tumidi folles magno conamine spirant,  
Qui foculos cordis, ceu levis aura, sovent :  
Sic offuscatus *Liparæo Mulciber* antro,  
Folliculis & proprio suscitât ore focos.  
Fortè senex tussire timet torrente saliva,  
Nè tussis dentes expuat una duos,  
Tussiat innocuus tandem noctesq; diesq;  
Pulmonum vitio nec moriturus obit :  
Quid si folliculos agitat lascivia risus  
Donec vis fibras rumperet ista meas ?  
Pulmonum incuset Medicus contagia? risu  
Victorem satis est sic potuisse mori.

ERGO,

Squallida tussit anus *Funone* potentior ipsâ,  
Dum movet obstreperis jurgia dira sonis.  
(Scepticus hoc tentet) tussit licet ipsa, *Medusa*  
Hujus pulmones num periisse putem?

*Junii* 30. 1673. In Vesperis Comit. Respond.  
Henrico Atherton, pro grad. Med. Doct.  
Coll. Christ.